



Qe' tal teky' Loë

Tqanil

Tzalajb'il toj tchwinqlal Loë tu'n jun oyaj xi' tq'o'n nan Li'y te.

Toj tja nan Li'y b'a'npun/txqan eky' ati. O'kx tkub' t-ximan nan Li'y tu'n t-xi tq'o'n jun ttxu eky' te k'wal Loë. Tejtzan tb'et ila' q'ij, xi' tka'yin Loë, ch'o'ltaq eky'.

Okxtzan paqe ch'o'l ex okx q'o'n jwe'laj jos tjaq'. Nim tzalaj Loë tu'n ok chi elitz txqan tal eky'.

Tej tpon amb'il tu'n kyjaw tal eky' xi ojqelin Loë ka'yil jte' tal otaq chi jaw poq'li. Okxtzan tq'o'n tq'ab' tjaq' ttxu eky' ex ekub' tajlan: jun, kab', ox, kyaj, jwe', qaaq, wuq, wajxaaq, b'elaj, laj, junlaj, ka'b'laj. Ex ok tka'yin Loë qa at ox jos minti' jaw poq'li. Atzun Loë xi' tq'uma'n te nan Li'y, qa minti' otaq chi jaw b'aj kykyaqil jos. Nim tzalaj Loë kyi'jqe' tal eky' ex b'aj ok tka'yin tu'n kych'iy kykyaqil.

Luis Francisco Ramírez Ortiz
San Sebastián, Huehuetenango



